

摘藻堂四庫全書薈要

集部

欽定四庫全書叢要

集部

施註蘇詩卷

十九  
二十

詳校官助教

臣常循



欽定四庫全書薈要卷一萬四千九百七十

集部

施註蘇詩卷十九

宋 蘇軾 撰

宋 施元之 註

武進邵長蘅刪補

詩七十三首

時在黃州作

東坡八首

并引按東坡在黃岡山下州治東百餘步先生儋耳手澤云杞人馬正卿

作太學生清苦有氣節學者既不喜博士亦忌之余少時偶至其齋中書杜子美秋雨歡壁上初無意也而正卿即日解歸不復出至今白首窮餓守節如故詩中馬生即其人也

施註蘇詩

二

余至黃州二年日以困匱故人馬正卿哀予乏食  
為於郡中請故營地數十畝使得躬耕其中地既  
久荒為茨棘瓦礫之場而歲又大旱墾闢之勞筋  
力殆盡釋耒而歎乃作是詩自愍其勤庶幾來歲  
之入以忘其勞焉

廢壘無人顧頽垣滿蓬蒿誰能捐筋力歲晚不償勞獨  
有孤旅人天窮無所逃端來拾瓦礫歲旱土不膏崎嶇  
草棘中欲刮一寸毛喟然釋耒嘆我廩何時高

詩周頌亦有高  
廩萬億及秬

荒田雖浪莽高庫各有適下隰種秬秠東原蒔棗粟江  
南有蜀士桑果已許乞好竹不難栽但恐鞭橫逸仍須  
卜佳處規以安我室家童燒枯草走報暗井出一飽未  
敢期瓢飲已可必

晉陶潛傳公田五十頃種秬詩周頌豐年多黍多稌鄭  
氏云秬稻也蜀士謂王文甫也文甫嘉州犍為縣人居  
於武昌先生與秦太虛書云所居對岸武昌山水絕佳  
有蜀人王生在邑中往往為風濤所隔不能歸則王生  
能為殺雞炊黍至數日不  
厭東方朔傳規以為苑

自昔有微泉來從遠嶺背穿城過聚落流惡壯蓬艾去  
為柯氏陂十畝魚蝦會歲旱泉亦竭枯萍粘破塊昨夜  
南山雲雨到一犁外泫然尋故瀆知我理荒蕪泥芹有  
宿根一寸嗟獨在雪芽何時動春鳩行可膾

公自注蜀人貴芹芽

膾雜鵲  
肉為之

後漢劉平傳王扶少修節行聚落化其德注云小於鄉  
曰聚廣雅云落居也左傳有汾澮以流其惡杜子美大  
雨詩流惡邑里清陶  
淵明詩晨侵理荒穢

種稻清明前樂事我能數毛空暗春澤鉞水聞好語

公自

注蜀人以細雨為雨毛稻初生時農夫相語稻鉞出矣

分秧及初夏漸喜風葉舉

月明看露上一一珠垂縷秋來霜穗重顛倒相撐拄但

聞畦隴閒蚱蜢如風雨

公自注蜀中稻熟時蚱蜢飛田間如小蝗狀而不害稻

新

春便入甌玉粒照筐筥我久食官倉紅腐等泥土行當

知此味口腹吾已許

江文通別賦秋露如珠秋月如珪漢賈捐之傳太倉之粟紅腐而不可食

良農惜地力幸此十年荒桑柘未及成一麥庶可望投種未逾月覆塊已蒼蒼農父告我言勿使苗葉昌君欲

富餽餌要須縱牛羊再拜謝苦言得飽不敢忘

史記商君傳苦言

藥也甘言疾也

種棗期可剥種松期可斲事在十年外吾計亦已慙十年何足道千載如風電舊聞李衡奴此策疑可學我有

同舍郎官居在瀋岳

公自注李公擇也

遺我三寸甘照坐光卓

犖百栽儻可致當及春冰渥想見竹籬間青黃垂屋角

襄陽耆舊傳李衡作宅於武陵龍陽汎洲上種橘千株臨終教其子曰吾有千頭木奴不責汝衣食歲上一匹絹可以不貧矣南史彭城王義康傳上嘗冬月啖甘歎其形味竝劣義康在坐曰今年甘殊有佳者遣還東府



取甘大供御者三寸杜子美即事詩一雙白魚不受釣  
三寸黃甘猶自青楚辭橘頌青黃雜糝文章爛兮杜子

美詩紅稠

屋角花

潘子久不調沽酒江南村郭生本將種賣藥西市垣古  
生亦好事恐是押牙孫家有十畝竹無時客叩門我窮  
交舊絕三子獨見存從我於東坡勞餉同一飧可憐杜

拾遺事與朱阮論吾師卜子夏四海皆弟昆

潘名大臨  
字邠老榮

陽人郭生名邁汾陽人

古生名耕道新平人

漢張釋之傳十年不得調漢齊悼惠王傳朱虛侯章曰  
臣將種也薛調無雙傳劉振女曰無雙許以妻王仙客

未果而振授朱此偽官無雙籍入掖庭仙客怨慕不已  
聞富平古押牙人間有心人以情告之古生作奇法取  
之使復為夫婦二十年杜子美絕句  
梅熟許同朱老喫松高擬對阮生論

馬生本窮士從我二十年日夜望我貴求分買山錢我  
今反累生借耕輟茲田刮毛龜背上何時得成羶可憐  
馬生癡至今夸我賢衆笑終不悔施一當獲千

傳大士金剛經頌如龜  
毛不實似兔角無形

題織錦圖上回文三首

春晚落花餘碧草夜涼低月半枯桐人隨遠鴈邊城暮

雨映疎簾繡閣空

紅手素絲千字錦故人新曲九回腸  
風吹絮雪愁縈骨  
淚灑縑書恨見郎

晉列女傳竇滔妻蘇惠織錦為回文旋圖詩以贈滔凡  
八百四十字再見司馬遷報任安書腸一日而九回後  
漢蔡倫傳自古書契多編以  
竹簡其用縑帛者謂之為紙

羞看一首回文錦錦似文君別恨深  
頭白自吟悲賦客  
斷腸愁是斷絃琴

西京雜記相如晚居茂陵將聘妾文君作白頭吟自絕  
相如乃止後漢列女蔡琰傳注邕故斷琴一絃問之琰

曰第  
四

姪安節遠來夜坐三首

南來不覺歲崢嶸坐撥寒灰聽雨聲遮眼文書元不讀  
伴人燈火亦多情嗟予潦倒無歸日今汝蹉跎已半生  
免使韓公悲世事白頭還對短燈檠

鮑明遠舞鶴賦歲崢嶸而催莫杜子美詩旅食歲崢嶸  
白樂天詩對雪畫寒灰傳燈錄有僧問藥山惟儼禪師  
和尚不許人看經因何卻自看師曰我只圖遮眼秘叔  
夜絕交書足下舊知吾潦倒麤疎不切事情韓退之短  
燈檠歌一朝富貴還自恣長檠高照朱  
翠吁嗟世事無不然牆角君看短檠檠

心衰面改瘦崢嶸相見惟應識舊聲  
永夜思家在何處  
殘年知汝遠來情  
畏人默坐成癡鈍  
問舊驚呼半死生  
夢斷酒醒山雨絕  
笑看饑鼠上燈檠

識舊聲暗使後漢夏馥事詳十二卷子由將赴南都詩  
注韓退之示姪孫湘詩知汝遠來應有意杜子美詩問  
舊半為鬼驚  
呼熱中腸

落第汝為中酒味吟詩我作忍饑聲  
便思絕粒真無策  
苦說歸田似不情  
腰下牛閑方解佩  
洲中奴長足為生  
大弨一弛何緣彀  
已覺翻翻不受檠

唐李廓落第詩氣味如中酒情懷似別人陸龜蒙杞菊賦序忍飢誦經豈不知屠沽兒有酒食耶本奴用李衡洲上種橘事注見本卷韓退之詩大昭挂壁無由彎漢蘇武傳能網紡繳縈弓弩顏師古曰縈謂輔正弓弩也

冬至日贈安節

我生幾冬至少小如昨日當時事父兄上壽拜脫膝十年閱凋謝白髮催衰疾瞻前惟兄三顧後子由一近者隔濤江遠者天一壁今朝復何幸見此萬里姪憶汝總角時啼笑為梨栗今來能慷慨志氣堅鐵石諸孫行復爾世事何時畢詩成卻超然老淚不成滴

楚辭離騷瞻前而顧後兮相親人之計極  
陶淵明責子詩通子垂九齡但覓梨與栗

岐亭道上見梅花戲贈季常

蕙死蘭枯菊亦摧返魂香入嶺頭梅數枝殘綠風吹盡  
一點芳心雀啁開野店初嘗竹葉酒江雲欲落豆稽灰  
行當更向釵頭見病起烏雲正作堆

東方朔十洲記聚窟洲有返魂香死屍於地聞之即活  
杜子美詩啁雀爭枝墜又詩雀啄江頭楊柳花張協七  
命豫北竹葉注云竹葉清宜城九醞酒也文酒清語王  
勉秀才上吉水縣大夫雪詩上天燒下豆稽灰烏李須  
教傲  
白梅

樂全先生生日以鐵拄杖為壽二首

先生真是地行仙住世因循五百年每向銅人話疇昔  
故教鐵杖鬪清堅入懷冰雪生秋思倚壁蛟龍護晝眠  
遙想人天會方丈衆中驚倒野狐禪

楞嚴經有千種仙堅固服餌而不休息食道圓成名地  
行仙法華經正法住世二十小劫像法亦住二十小劫  
銅人用薊子訓摩挲銅人事注再見韓退之赤藤杖歌  
空堂晝眠倚戶牖飛電著壁搜蛟螭傳燈錄佛為人天  
師又百丈山大智禪師每日上堂有一老人隨衆聽法  
一日衆散老人不去師問之老人曰我非人也過去生  
中曾住此山有學人問大修行底人還落因果也無對  
曰不落因果遂墮在野狐身今請和尚代一轉語師曰



汝但問老人便問師曰不昧因果老人言下大悟告辭曰今已免野狐身

二年相伴影隨身踏遍江湖草木春  
擿石舊痕猶作眼  
閉門高節欲生鱗畏途自衛真無敵  
捷徑爭先卻累人  
遠寄知公不嫌重筆端猶自幹千鈞

莊子達生篇夫畏塗者十殺一人則父子兄弟相戒也  
必盛卒徒而後敢出焉楚辭離騷何桀紂之昌披兮夫  
惟提徑以窘步鮑明遠城東橋  
詩爭先萬里途各事百年身

### 杭州故人信至齊安

昨夜風月清夢到西湖上朝來聞好語扣戶得吳餉輕

圓白曬荔脆釀紅螺醬更將西菴茶勸我洗江瘴故人

情義重說我必西向一年兩僕夫千里問無恙相期結

書社

公自注故人相約醵錢催僕夫一歲再至黃

未怕供詩帳

公自注僕頃以詩得罪有

司移杭取境內所留詩杭

州供數百首謂之詩帳

還將夢魂去一夜到江漲

公自

注江漲杭

州橋名

蔡君謨荔枝譜福州舊貢紅鹽密煎二種屢歷初知州沈邈以道遠不可致減紅鹽之數而增白曬者

送牛尾狸與徐使君

公自注時大雪中

風卷飛花自入帷一樽遙想破愁晷泥深厭聽雞頭鶻

公自注蜀人謂泥滑滑為雞頭鵝

酒淺欣嘗牛尾狸通印子魚猶帶骨

披綿黃雀漫多脂殷勤送去煩纖手為我磨刀削玉肌  
後漢梁冀傳妻孫壽作愁眉啼妝王彥輔塵史閨中鮮  
食最珍者子魚也割之則子滿腹莆田迎仙鎮乃其出  
處予按部過之驛左有一祠謂之通應廟下有水曰通  
應谿日受潮汐訪諸士人為賦淡水不相入處此魚最  
良故謂之通應子魚比見士大夫賦詩多曰通印以目  
其魚之大小如王荊公送元厚之知福唐詩云長魚俎  
上通三印荊公博學多聞豈自有所稽耶  
黃雀出江西臨江軍土人謂脂厚為披綿

### 四時詞四首

春雲陰陰雪欲落東風和冷驚簾幙漸看遠水綠生漪

未放小桃紅入萼佳人瘦盡雪膚肌  
看斂春愁知為誰  
深院無人剪刀響應將白紵作春衣

謝靈運詩山桃發紅萼杜子美蚕春詩紅入桃花嫩青  
歸柳葉新張籍白紵歌皎皎白紵白且鮮將作春衣稱  
少年裁縫長短不能  
定自持刀尺向姑前

垂柳陰陰日初永蔗漿酪粉金盤冷  
簾額低垂紫燕忙  
蜜脾已滿黃蜂靜高樓睡起翠眉頰  
枕破斜紅未肯勻  
玉腕半揎雲碧袖樓前知有斷腸人

宋玉招魂濡鼈炮羔有柘漿些注柘諸蔗也取諸蔗之  
汁以為漿飲也杜子美入奏行蔗漿歸厨金盃凍孟郊

莎柵聯句此處不  
斷腸定知無斷處

新愁舊恨蒼生綠粉汗餘香在蘄竹象牀素手熨寒衣  
爍爍風燈動華屋夜香燒罷掩重局香霧空濛月滿庭  
抱琴轉軸無人見門外空聞裂帛聲

杜子美白絲行象牀玉手亂股紅萬草千花動疑碧美人細意慰帖平裁縫減盡針線跡戰國策孟嘗君至楚楚獻象牀白樂天琵琶行轉軸撥絃三兩聲又四絃一聲如裂帛

霜葉蕭蕭鳴屋角黃昏陡

一作斗

覺羅衾

一作衣

薄夜風搖

動鎮帷犀酒醒夢回聞雪落起來呵手畫雙雅醉臉輕

勻觀眼霞真態生香誰畫得玉奴纖手嗅梅花

杜牧之秋娘詩虎睛珠絡襪金盤犀鎮帷南部煙花記  
虞世基朝司花女表寶兒詩學畫鵝兒生未成杜牧之  
閨情詩娟娟卻月著新鬢學鵝飛牛  
僧儒周秦行紀楊太真自稱為玉奴

太守徐君猷通守孟亨之皆不飲酒以詩戲之

徐君猷名大受東海人孟亨之名震東平人  
舉進士東坡來黃州二君為守倅厚禮之無  
遷謫意君猷秀惠列屋杯觴流行多為賦詞  
滿去而殂坡有祭文挽詞意甚悽惻亨之寓  
毗陵坡自黃過常有同  
游僧舍詩載二十三卷

孟嘉嗜酒桓溫笑徐邈狂言孟德疑公獨未知其趣爾

臣今時復一中之風流自有高人識通介寧隨薄俗移  
二子有靈應撫掌吾孫還有獨醒時

晉孟嘉傳未得酒中趣注已見又庾亮正旦大會州府  
人士褚裒問亮聞江州有孟嘉其人何在亮曰在坐卿  
自覓裒歷觀指嘉曰此君小異將無是乎亮欣然喜裒  
得嘉而奇嘉為裒所得陶淵明孟嘉傳高陽許詢嘗乘  
船近行適逢嘉過嘆曰都邑美士吾盡識之獨不識此  
人唯聞中州有孟嘉者將非是乎中聖人徐邈語再見  
三國徐邈傳盧欽著書稱邈曰或問欽徐公當武帝時  
人以為通自在涼州及還京師人以為介何也欽曰往  
毛孝先崔季珪用事貴清素之士於時皆變易車服以  
求名高而徐公不改其常故人以為通比來天下奢靡  
轉相倣效而徐雅尚自若不與俗同故前日之通乃今  
日之介也是世人之無常而徐公之有常也史記屈原

傳舉世混濁而我獨清  
衆人皆醉而我獨醒

雪後到乾明寺遂宿

門外山光馬亦驚  
堦前屐齒我先行  
風花誤入長春苑  
雲月長臨不夜城  
未許牛羊傷至潔  
且看鴉鵲弄新晴  
更須攜被留僧榻  
待聽摧簷瀉竹聲

太平寰宇記長春宮在同州朝邑縣強梁原上周武帝  
保定五年宇文護所築尉遲偃中朝故事長春宮園林  
繁茂花木無所不有芳菲長如三春節漠地理志齊地  
記云古有日夜出見於東萊故萊子立此城以不夜為  
名寰宇記不夜城在登州文登縣春秋時  
萊子所置邑以日出于東故以不夜為名



伯父送先人下第歸蜀詩云人稀野店休安枕  
路入靈關穩跨驢安節將去為誦此句因以為  
韻作小詩十四首送之

索漠齊安郡從來著放臣如何風雪裏更送獨歸人  
瘦骨寒將斷衰髯摘更稀未甘為死別猶恐得生歸  
杜子美簡諸子詩長安苦寒誰獨悲杜  
陵野老骨欲折又垂老別孰知是死別

日上氣暎江雪晴光眩野記取到家時鋤耰吾正把  
月明穿破裘霜氣澀孤劍歸來閉戶坐默數來時店

韓退之喜侯喜至詩依依夢歸路歷歷想行店崔豹古今注肆所以陳貨鬻之物店所以置貨鬻之物

諸兄無可寄一語會須酬晚歲俱黃髮相看萬事休  
故人如念我為說瘦樂樂尚有身為患已無心可安

詩周風棘人樂樂老子吾所以有大患者為吾有身

吾兄喜酒人今汝亦能飲一杯歸誦此萬事邯鄲枕  
東阡在何許寒食江頭路哀哉魏城君宿草荒新墓

杜子美詩寒食江頭路風花高下飛魏城君公之配王氏也

臨分亦泣然不為窮途泣東阡時一到莫遣牛羊入

晉阮籍傳率意獨駕車  
迹所窮輒慟哭而返

我夢隨汝去東阡松柏青卻入西州門永愧北山靈  
乞播何足羨負米可忘艱莫為無車馬含羞入劍關

家語子路曰昔者由也事二親之時常食藜藿之實為  
親負米百里之外今列鼎而食願食藜藿為親負米不  
可復得也華陽國志漢司馬相如成都人蜀有升仙橋  
相如出關題其柱云大丈夫不乘駟馬車不復過此橋  
後漢郭丹傳買符入函谷關慨然歎曰丹不乘  
使者車終不出關去家二十年果乘高車出關

我坐名過實謹詳自招損汝幸無人知莫厭家山穩

越絕書名過實者減  
故聖人不使名過實

竹筭與練帋隨時畢婚嫁無事苦相思征鞍還一跨

後漢戴良傳五女出嫁練裳布被竹筭木屐以遺之

萬里卻來日一菴仍獨居應笑謀生拙團團如磨驢

次韻和王鞏六首

君談陽朔山不作一錢直巖藏兩頭虺瘴落千仞翼雅  
宜驩兜放頗訝虞舜陟暫來已可畏覽鏡憂面黑況子  
三年囚苦霧變飲食吉人終不死仰荷天地德我來黃  
岡下欹枕江流碧江南武昌山向我如咫尺春蔬黃土

軟凍筍蒼崖圻此行我累君乃反得安宅遙知丹穴近

為斲句漏石他年分刀圭名字挂仙籍

公自注 羣許惠桂州丹砂

陽朔屬桂州北夢瑣言楊遵曾至嶺外見陽朔荔浦山水愛之談不容口嘗謂王讚曰侍郎曾見陽朔山水乎讚笑曰某未嘗打人唇綻齒折那得見之蓋非賤不去也漢灌夫傳平生毀程不識不直一錢韓退之永貞行江氣嶺祲昏若凝一蛇兩頭見未曾瘴落千仞翼本意用馬援飛鳶為站站事注已見尚書舜陟方乃死注云升道南巡守死於蒼梧之野白樂天惻惻吟炎瘴靈均面黧黑句漏漢縣屬交趾出丹砂

少年帶刀劍但識從軍樂老大服犂鋤解佩付鎔鑠雖無獻捷功會賜力田爵敲冰春搗紙刈葦秋織箔標林

斬冬炭竹塢收夏籜四時俯有取一飽天所酢君生紈  
綺間欲學非其腳左右玉纖纖束薪誰為縛勿令聞此  
語翠黛頰將惡笑我一間茅婦姑紛六鑿

韓退之會李正封聯句從軍古云樂談笑清油幕漢文  
帝紀遣使勞賜孝弟力田置三老孝弟力田常員周禮  
仲冬斬陰木仲夏斬陽木漢貨殖傳類有拾仰有取已  
見趙飛燕外傳為薄者號山黛宋玉神女賦頰薄怒以  
自持兮曾不可乎犯干六  
鑿出莊子外物篇注已見

欲結千年實先摧二月花故教窮到骨要使壽無涯久  
已逃天網何須服日華賓州在何處為子上栖霞

內景經吞日月華法呪曰日魂云云十六字自有五色  
流霞入口中許端夫齊安拾遺云栖霞樓在郡城最高  
處江淮絕境也

鄰里有異趣何妨傾蓋新殊方君莫厭數面自成親默  
坐無餘事回光照此身他年赤墀下玉立看垂紳

陶淵明答龐參軍詩引俗諺云數面成親舊況其情過  
此者乎廣燈錄古德云若能回光反照漢梅福傳登文  
石之陞涉赤墀之塗

平生我亦輕餘子晚歲人誰念此翁巧語屢曾遭薏苡  
廋詞聊復託芻蕘子還可責同元亮妻卻差賢勝敬通

若問我貧天所賦不因遷謫始囊空

杜子美題鄭十八著作詩可念此翁懷直道也需新國  
用輕刑先生詩話云昔吾為鳳翔幕過長安見劉原父  
留吾劇飲數日酒酣謂吾曰昔陳季弼告陳元龍曰聞  
遠近之論謂明府驕而矜元龍曰夫閨門雍穆有德有  
行吾敬陳元方兄弟淵清玉潔有禮有法吾敬華子魚  
清修疾惡有識有義吾敬趙元達博聞強記奇逸卓犖  
吾敬孔文舉雄姿傑出有王霸之畧吾敬劉玄德所敬  
如此何驕之有餘子瑣瑣安足錄哉因仰天太息此亦  
原父之雅趣也吾後在黃州作詩云平生我亦輕餘子  
晚歲人誰念此翁蓋記原父語也後漢馬援傳在交趾  
常餌薏苡軍還載之一車及卒後有人上書譖之以為  
前所載還皆明珠文犀國語晉范文子曰有秦客廬詞  
於朝注廬者隱也左傳宣十二年楚伐蕭還無社號申  
叔展叔展曰有麥麴乎曰無有山鞠窮乎曰無河魚腹



疾奈何杜預注麥麴窮所以禦濕欲使無社逃泥水中軍中不敢正言故謬語鞠窮即芎窮鞠音起弓切晉陶潛有責子詩後漢馮衍傳娶北地任氏女悍忌不得畜媵妾衍字敬通

君家玉臂貫銅青下客何時見目成勤把鉛黃記宮樣

莫教絃管作蠻聲熏衣漸歎衙香少擁髻遙憐夜語清

記取北歸攜過我南江風浪雪山傾

公自注君自南江赴任不一過我

楚辭九歌滿堂兮美人忽獨與余兮目成韋應物宮人入道詩高髻雲鬟宮樣妝世說郝隆作詩云嫩鵲羅清池桓溫問嫩鵲何物答曰蠻名魚也溫曰何以作蠻語隆曰千里投公始得蠻府參軍那不作蠻語香譜載唐化度寺及雍文徽郎中二衙香法推髻用伶玄樊通德事已見

記夢回文二首

并引

十二月二十五日大雪始晴夢人以雪水烹小團  
茶使美人歌以飲余夢中為作回文詩覺而記其  
一句云亂點餘花唾碧衫意用飛燕故事也乃續  
之為二絕句云

顰顏玉盃捧纖纖亂點餘花唾碧衫歌咽水雲凝靜院  
夢驚松雪落空巖

趙飛燕外傳后與僂僂坐誤唾僂僂袖僂僂曰姊唾之  
染紺袖正如石上花假令尚方為之未必如此衣之華

也以為石花廣袖列子湯問篇薛譚學謳  
於秦青響過行雲願延年詩山明望松雪

空花落盡酒傾缸日上山融雪漲江紅焙淺甌新火活  
龍團小碾鬪晴牕

三朶花

并引

房州通判許安世以書遺余言吾州有異人常戴  
三朶花莫知其姓名郡人因以三朶花名之能作  
詩皆神仙意又能自寫真人有得之者許欲以一  
本見惠乃為作此詩

學道無成鬢已華不勞千劫漫烝砂歸來且看一宿覺  
未暇遠尋三朶花兩手欲遮瓶裏雀四條深怕井中蛇  
畫圖要識先生面試問房陵好事家

楞嚴經若不斷姪修禪定者如烝砂石欲其成飯經百  
千劫烝名熟砂傳燈錄温州永嘉禪師初謁六祖問答  
相契便欲辭去祖留一宿謂之一宿覺七女經國王機  
惟尼有七女第二女字須耽摩游家問言雀在餅中復  
蓋其口不能出飛今餅已云破雀飛而去又七賢女偈  
曰雀來入瓶中羅穀掩瓶口穀穿雀飛去識神隨業走  
傳大士善慧鉢亦云省頭盧為優陀延王說法經云昔  
有人行曠野為象所逐見一丘井即入井中藏井有四  
毒蛇欲螫其身大王當知此人苦惱不可勝數九域志房州房陵郡

次韻陳四雪中賞梅

陳四即季常

臘酒詩催熟寒梅雪鬪新杜陵休歎老韋曲已先春獨  
秀驚凡目遺英卧逸民高歌對三白遲暮慰安仁

杜子美酬裴迪蚤梅詩江邊一樹垂垂發朝夕催人自  
白頭又詩韋曲花無賴家家惱殺人楚辭招魂激楚之  
結獨秀先些逸民用袁安僵卧事已見  
吳中風俗占臘月見三白田翁笑赫赫

正月二十日與潘郭二生出郊尋春忽記去年  
是日同至女王城作詩乃和前韻

東風未肯入東門走馬還尋去歲村人似秋鴻來有信

事如春夢了無痕  
江城白酒三杯釀  
野老蒼顏一笑溫  
已約年年為此會  
故人不用賦招魂

楚辭宋玉哀屈  
原作招魂章

是日偶至野人汪氏之居有神降於其室自稱  
天人李全字德通善篆字用筆奇妙而字不可  
識云天篆也與余言有所會者復作一篇仍用

前韻

酒渴思茶漫扣門  
那知竹裏是仙村  
已聞龜策通神語

更看龍蛇落筆痕色瘁形枯應笑屈道存目擊豈非溫  
歸來獨掃空齋卧猶恐微言入夢魂

法書苑仲尼書吳季札墓志變化開合若龍蛇盤據史  
記屈原傳被髮行吟澤畔顏色憔悴形容枯槁莊子田  
子方溫伯雪子見仲尼而不言  
曰若夫人者目擊而道存矣

### 浚井

古井沒荒萊不食誰為惻  
餅罌下兩綆蛙蚓飛百尺腥  
風被泥滓空響聞點滴上除青青芹下洗鑿鑿石霑濡  
愧童僕杯酒暖寒栗白水漸泓渟青天落寒碧云何失

舊穢底處來新潔井在有無中無來亦無失

周易井渫不食為我心惻惻津陽門詩注石壘巖下有泉  
寺僧於上層樓中輓轆斜引綆長二百尺詩國風揚之  
水白石鑿鑿漢義縱傳為定襄太守郡中  
不寒而栗周易井無喪無得往來井井

紅梅三首

怕愁貪睡獨開遲自恐冰容不入時故作小紅桃杏色  
尚餘孤瘦雪霜姿寒心未肯隨春態酒暈無端上玉肌

詩老不知梅格在更看綠葉與青枝

公自注石曼卿紅  
梅詩云認桃無綠

葉辨杏  
有青枝



雪裏開花卻是遲何如獨占上春時也知造物含深意  
故與施朱發妙姿細雨裏殘千顆淚輕寒瘦損一分肌  
不應便雜天桃杏數一作半點微酸已著枝

齊己蚤梅詩前村深雪裏昨夜一枝  
開宋玉好色賦著粉太白施朱太赤

幽人自恨探春遲不見檀心未吐時丹鼎奪胎那是實  
公自注朱砂紅銀  
謂之不奪胎色  
玉人頰頰更多姿抱叢暗藥初含子

落盞穠香已透肌乞與徐熙新畫樣竹間璀璨出斜枝

楚辭遠遊玉色頰以艷顏兮精神粹而始壯注頰怒色  
玉人怒則頰紅故以此紅梅也沈存中筆談國初江南

布衣徐熙墨筆畫花殊草草略施  
丹粉神氣迥出別有生動之意

和子由寄題孔平仲草菴

逢人欲覓安心法到處先為問道菴  
盧子不須從若士  
蓋公當自過曹參羨君美玉經三火  
笑我枯桑困八蠶  
猶喜大江同一味故應千里共清甘

神仙傳若士者古之仙人燕盧敖至蒙谷之山見焉方  
踞龜殼而食蛤蜊謂敖曰吾方與汗漫期九垓之外不  
可久住乃竦身入雲中漢曹參傳為齊丞相聞蓋公善  
治黃老言避正堂舍焉三火用淮南子鍾山之玉灼以  
爐炭三日夜語已見在太沖吳都賦鄉貢八蠶之綿交  
州記一歲八蠶出日南晉安海物異名記八蠶綿者八

蠶共作一綿華嚴經譬如衆水  
皆同一味隨器異故水有差別

## 二蟲

君不見水馬兒步步逆流水大江東流日千里此蟲趯  
趯長在此君不見鷦鷯濫堆決起隨衝風隨風一去宿何  
許逆風還落蓬蒿中二蟲愚知俱莫測江邊一笑無人  
識

杜子美詩鴈兒爭水馬毛詩嚶嚶草蟲趯趯阜螽注趯  
趯躍也方言阿如軋亦名鷦鷯濫堆莊子逍遙游蜩與鷽  
鳩笑之曰我決起而飛搶榆枋又之二蟲又何知

陳季常見過三首

陳季常名慥父希亮字公弼其先自京兆遷於蜀公弼知

鳳翔公始筮仕為簽書判官相從二年公至黃季常數從之游既為公弼作傳又為季常

作方山

子傳

仕宦常畏人退居還喜客君來輒館我未覺雞黍窄東坡有奇事已種十畝麥但得君眼青不辭奴飯白

晉阮籍傳能為青白眼見禮俗之士以白眼對之嵇康造焉乃見青眼杜子美入秦行為君酥酒滿眼酤與奴白飯馬青芻

送君四十里只使一帆風江邊千樹柳落我酒杯中此

行非遠別此樂固無窮但願長如此來往一生同

聞君開龜軒東檻俯喬木人言君畏事欲作龜頭縮我知君不然朝飯仰暘谷餘光幸分我不死安可獨

虛仝月蝕詩北方寒龜被蛇縛藏頭入殼如入獄再見  
暘谷用內景經吞日華事注見本卷史記甘茂傳貧人  
女與富人女會績貧女曰我無以買燭而子之燭光幸  
有餘子可分我餘光無損子明而得一斯便焉韓退之  
文我得祕藥不可獨  
不死詳見十二卷

### 寒食雨二首

自我來黃州已過三寒食年年欲惜春春去不容惜今

年又苦雨兩月秋蕭瑟卧聞海棠花泥汙燕脂雪暗中  
偷負去夜半真有力何殊病少年病起頭已白

莊子大宗師藏舟於壑藏山於澤謂  
之固矣然而夜半有力者負之而走

春江欲入戶雨勢來不已小屋如漁舟濛濛水雲裏空  
庖煮寒菜破竈燒溼葦那知是寒食但感鳥銜紙君門  
深九重墳墓在萬里也擬哭途窮死灰吹不起

白樂天寒食吟風吹曠野紙錢飛宋玉九辯君之門兮  
九重杜子美詩此身醒復醉不擬哭途窮漢韓安國傳  
死灰獨不復然乎

徐使君分新火

臨臯亭中一危坐三見清明改新火溝中枯木應笑人  
鑽斫不然誰似我黃州使君憐久病分我五更紅一朵  
從來破釜躍江魚只有清詩嘲飯顆起攜蠟炬遠空屋  
欲事煎烹無一可為公分作無盡燈照破十方昏暗鎖

漢東方朔傳捐薦去几危坐而聽周禮司燿掌行火之  
政令四時變國火韋慎微底竊故事清明日尚食內園  
官小兒於殿前鬪鑽新火先進者賜絹三匹梳一口尋  
以新火賜宰臣以下盧仝詩不堪鑽斫為天下卜溝中  
用莊子百年之木其斷在溝中語已見躍魚暗使范丹  
釜中生魚事注再見飯顆詳見十三卷答孔周翰詩注

韓退之石鼎聯句巧匠琢山骨劍中事煎烹華嚴經譬  
如一燈燃百千燈其本一燈無滅無盡維摩經天女問  
維摩詰我等云何住魔宮摩詰云有法門名無盡  
盡燈譬如一燈燃百千燈冥者皆明明終無盡

次韻答元素

并引 元素姓楊氏名繪  
九卷有分贈元素桂花詩

余舊有贈元素詞云天涯同是傷流落元素以為  
今日之先兆且悲當時六客之存亡六客蓋張子  
野劉孝叔陳令舉李公擇及元素與余也

不愁春盡絮隨風但喜丹砂入頰紅  
流落天涯先有識  
摩挲金狄會當同  
蘧蘧未必都非夢  
了了方知不落空



莫把存亡悲六客已將地獄等天宮

劉禹錫楊柳枝詞春盡絮飛留不得隨風好去落誰家  
賈誼鵬賦識言其度注云識驗也有徵驗之書也漢晉  
春秋魏明帝徙長安銅人金狄或泣摩挲後漢薊子訓  
事遂遂用莊子語俱再見蔡禪師十玄談了了了時無  
可了玄玄處亦須訶殷勤為唱玄中曲空裏蟾光撒  
得麼等量經阿鼻地獄與非非想天劫數苦樂等無有  
二

蜜酒歌 并引

西蜀道人楊世昌善作蜜酒絕醇釀余既得其方  
作此歌以遺之

真珠為漿玉為醴六月田夫汗流此不如春蠶自生香  
蜂為耕耘花作米一日小沸魚吐沫二日眩轉清光活  
三日開蠶香滿城快瀉銀瓶不須撥百錢一斗濃無聲  
甘露微濁醍醐清君不見南園採花蜂似雨天教釀酒  
醉先生先生年來窮到骨問人乞米何曾得世間萬事  
真悠悠蜜蜂大勝監河侯

真誥石英夫人答許長史書云玉醴金漿交梨火棗乃  
飛騰之藥唐顏魯公有與李太保乞米帖注已見莊子  
家貧貸粟於  
監河侯再見

又一首答二猶子與王郎見和

脯青苔炙青蒲爛蒸鵝鴨乃瓠壺煮豆作乳脂為酥高  
燒油燭斟蜜酒貧家百物初何有古來百巧出窮人搜  
羅假合亂天真詩書與我為麴蘖醞釀老夫成搢紳質  
非文是終難久脫冠還作扶犁叟不如蜜酒無燠寒冬  
不加晷夏不酸老夫作詩殊少味愛此三篇如酒美封  
胡羯末已可憐不知更有王郎子

盧氏雜說鄭餘慶召親朋食敕家人曰爛蒸去毛勿拗  
折項客謂必鵝鴨也良久每人前粟飯一甌蒸壺盧一

枚公食美甚諸人強進而罷山海經倭始為百巧古老  
有百無一有百巧百窮之語至今俗謗尚爾李白丹丘  
談玄詩假合作容貌揚子其文是也其質非也洞仙傳  
郭璞曰吾昨夜夢在石頭外江中扶犁而耕後漢馬援  
傳過是欲少味矣晉列女傳謝道韞初適凝之還甚不  
樂叔父安曰王郎逸少子不惡汝何恨答曰一門叔父  
則有阿大中郎羣從兄弟復有封胡羯末不意天壤之  
中乃有王郎封謂謝歆胡謂謝朗羯謂謝玄末謂謝川  
皆小字也麗情集無雙傳劉振  
妻常戲呼王仙客為王郎子

謝陳季常惠一揩巾

揩烏  
感切

夫子胷中萬斛寬此巾何事小團團半升僅漉淵明酒

二寸纔容子夏冠好戴

一作帶

黃金雙得勝休教

一本作可憐

白苧一生酸臂弓腰箭何時去直上陰山取可汗

南史陶潛酒熟取頭上葛巾漉酒訖還復著之已見漢杜欽傳字子夏茂陵杜鄴與欽同姓字俱以才能稱京師而欽目偏盲故衣冠謂欽為盲杜子夏以相別欽惡以疾見詆逆為小冠高廣纔二寸由是京師更謂欽為小冠杜子夏雙得勝世人中裹以黃金為大環雙繫其帶謂之得勝環疑用此事亦恐自有故實姑俟知者古樂府白紵歌制以為袍餘作巾袍以光軀巾拂塵唐李靖傳突厥寇太原靖率勁騎三千趨惡陽嶺頡利可汗大驚亡去為張寶相擒以獻於是斥地自陰山北至大漠矣

贈黃山人

面頰照人元自赤  
看毛覆眼見來烏  
倦游不擬談玄牝

示病何妨出白鬚絕學已生真定慧說禪長笑老浮屠  
東坡若肯三年住親與先生看樂爐

舊唐書毛若虛者毛覆於眼老子玄牝之門是謂天地  
根楞嚴經攝心為戒因戒生定因定發慧是名三無漏  
學袁宏漢紀浮屠佛也西域天竺國有佛  
道焉佛者漢言覺也將以覺悟羣生也

問大治長老乞桃花茶栽東坡

周詩記苦荼茗飲出近世初緣厭梁肉假此雪昏滯嗟  
我五畝園桑麥苦蒙翳不令寸地閑更乞荼子藝飢寒  
未知免已作太飽計庶將通有無農末不相戾春來凍

地裂紫筍森已銳牛羊煩呵叱筐筥未敢睨江南老道人齒髮日夜逝他年雪堂品空記桃花裔

詩國風誰謂荼苦其甘如薺洛陽伽藍記齊王肅初好茗飲及歸魏高祖問茗飲何如酪漿肅曰茗不中與酪作奴高祖大笑因號茗飲為酪奴李肇國史補湖州有顧渚紫筍茶茶苑總錄段成式謝因禪師茶云忽惠荊州紫筍茶一角寒草擢筍本貴含膏嫩葉抽芽方珍搗草詩大雅敦彼行葦牛羊勿踐履國風于以盛之維筐及筥

### 魚蠻子

江淮水為田舟楫為室居魚鰕以為糧不耕自有餘異

哉魚蠻子本非左衽徒連排入江住竹瓦三尺廬於焉  
長子孫咸施且侏儒擘水取魴鯉易如拾諸途破釜不  
著鹽雪鱗芼青蔬一飽便甘寢何異獺與狙人間行路  
難踏地出賦租不如魚蠻子駕浪浮空虛空虛未可知  
會當算舟車蠻子叩頭泣勿語桑大夫

漢五行志吳地以船為家以魚為食國語戚施不可使  
仰侏儒不可使援劉禹錫有獺吟下見盈尋魚投身擘  
洪漣禮記內則芼之以萍藻古樂府有行路難曲漢武  
帝紀元光六年初算商車李奇曰始稅商賈車船令出  
算食貨志船有算商者少物貴又異時算輶車賈人之  
緡皆有差又卜式曰縣官當食租衣稅而已今桑弘羊



令吏坐列版物求利烹弘羊  
天乃雨弘羊嘗為御史大夫

弔李臺卿

并引

李臺卿字明仲廬州人貌陋甚性介不羣而博學  
強記罕見其比好左氏有史學考正同異多所發  
明知天文律歷千載之日可坐數也軾謫居黃州  
臺卿為麻城主簿始識之既罷居於廬而曹光州  
演甫以書報其亡臺卿光州之妻黨也

我初未識君人以君為笑垂頭老鶴雀煙雨霾七竅敝

衣來過我危坐若持釣褚裒半面新駸蔑一語妙徐徐  
步其瀾極望不可徼卻觀元嫵媚士固難輕料看書眼  
如月罅隙靡不照我老多遺忘得君如再少從橫通雜  
藝甚博且知要所恨言無文至老幽不耀其生世莫識  
已死誰復弔作詩遺故人庶解俗子譙

唐裴寬呼為碧鸛雀再見莊子應帝王條與忽謂渾沌  
曰人有七竅以視聽食息子獨無有褚裒問孟嘉何在  
注見本卷左傳昭二十八年叔向適鄭驪蔑惡欲觀叔  
向從使之收器者而往立於堂下一言而善叔向聞之  
曰必駸明也下執其手以上遂如故知老子常有欲以  
觀其微唐韻微小道也世說支道林曰北人看書如顯

處視月南人學問如牖中窺日漢司馬遷傳儒者博而寡要唐蕭德言傳太宗詔袁次經史百代帝王所以興衰者上之帝愛其書博而要左傳孔子曰言之不文行之不遠老子聖人直而不肆光而不耀

### 曹既見和復次其韻

造物本兒嬉風噫雷電笑誰令妄驚怪失七號萬竅人  
人走江湖一一操網釣偶然連六鼇便為此手妙空令  
任公子三歲蹲海徼長貧固不詞

辭同

一死實未料難將

著草算除用佛眼照何人嗣家學恨子兒尚少嗟我與  
曹君衰老世不要空言今無救奇志後必耀吟君五字

詩義重千金弔收藏慎勿出免使羣兒譙

舊唐書杜審言傳甚為造物小兒相苦新書云造化小兒列于湯問篇龍伯之國有大人舉足不盈數步而暨五山之所一釣而連六鰲莊子外物任公子為大釣巨緇五十犗以為餌蹲乎會稽投竿東海旦旦而釣期年不得魚晉載記卜崇曰所欠惟一死耳蜀志諸葛亮傳司馬仲達曰吾便料生不便料死也史記龜策傳能得百莖著草并得其下龜以卜者百言百當足以決吉凶金剛經如來有佛眼否傳大士頌云佛眼如千日照異體還同左傳莊二十二年非此其身在其子孫光遠而自他有耀者也

施註蘇詩卷十九

欽定四庫全書曾要卷一萬四千九百七十一

集部

施註蘇詩卷二十

宋蘇軾撰

宋施元之註

武進邵長蘅刪補

詩四十九首

起在黃州盡元豐七年甲子量移汝州作

次韻孔毅父集古人句見贈五首

孔毅父名平仲家世見第

十卷父長源挽詞註

羨君戲集他人詩指呼市人如使兒天邊鴻鵠不易得

便令作對隨家雞退之驚笑子美泣問君久假何時歸  
世間好句世人共明月自滿千家墀

市人用史記淮陰傳  
驅市人而戰之意

紫駝之峰人莫識雜以雞豚真可惜今君坐致五侯鯖  
盡是猩脣與熊白路旁拾得半段槍何必開鑪鑄矛戟  
用之如何在我耳入手當令君喪魄

西京雜記五侯不相能賓客不得來往婁護豐辨傳會  
五侯間各得其歡心競致奇膳乃合以為鯖世稱五侯  
鯖以為奇味焉裴啟語林亦云五侯王氏婁護漢書作  
樓護呂氏春秋伊尹說湯曰肉之美者猩猩之脣髦象

之約張協七命封熊之掌翰音之趾燕髀猩脣髦殘象  
白按熊白即如謂象白也唐哥舒翰傳遇吐蕃苦拔海  
翰持半段槍迎擊所向披靡

天下幾人學杜甫誰得其皮與其骨劃如太華當我前  
跛狎欲上驚嶢嶢名章俊語紛交衡無人巧會當時情  
前生子美只君是信手拈得俱天成

書斷羊欣云胡昭草行得張芝骨索靖得其肉韋誕得  
其筋史記李斯傳太山之高百仞而跛狎牧其上李太  
白上裴長史書名章俊語絡繹間起傳燈錄洛普和尚  
頌云入荒田不揀信手拈來草觸目未嘗無臨機何不  
道

詩人雕刻間草木搜抉肝腎神應哭不如默誦千萬首  
左抽右取談笑足夜吟石鼎聲悲秋可憐好事劉與侯  
何當一醉百不問我欲眠矣君歸休

揚子或問雕刻象形者匪天歟韓退之贈崔立之詩勸  
君韜養待招徵不用雕琢愁肝腎古詩話賀知章見李  
白烏栖曲曰此詩可泣鬼神矣詩國風左旋右抽中軍  
作好韓退之石鼎聯句序道士軒轅彌明夜抵劉師服  
居宿指鑪中石鼎謂侯喜曰子能為詩能與我  
賦此乎劉與侯皆已賦十餘韻彌明應之如響

膏明蘭臭俱自焚象牙翠羽戕其身多言自古為數窮  
微中有時堪解紛癡人但數羊羔兒不知何者是左慈



千章萬句卒非我急走捉君應已遲

漢兩龔傳薰以香自燒膏以明自銷周易同心之言其  
臭如蘭左傳襄二十四年象有齒以焚其身賄也異物  
志翠鳥形似燕翡翠赤而翠青人取其羽以為飾吳筠玄  
猿賦小則翡翠殞於毛羽大則犀象殘於齒革老子多  
言數窮不如守中史記滑稽傳談言微中亦可以解紛  
後漢左慈傳曹操欲殺之走入羊羣操知不可得乃令  
就羊中告之曰不復相殺本試君術耳忽一老羝人立  
而言曰遽如許即競往赴之而羣羊數百皆變為羝竝  
屈前膝人立云遽如許遂莫知所取焉

六年正月二十日復出東門仍用前韻

亂山環合水侵門身在淮南盡處村五畝漸成終老計

九重新掃舊巢痕，豈惟見慣沙鷗熟？已覺來多釣石溫。  
長與東風約，今日暗香先返玉梅魂。

舊巢痕按陸游作施氏注東坡詩序解舊巢字甚詳云昔祖宗以三館養士儲將相才及官制行罷三館而東坡蓋嘗直史館然自謫為散官削去史館之職久矣至于史館亦廢故云新掃舊巢痕其用事之嚴如此愚意詩句必作如是解毋乃太固後人穿鑿之病所以不免也

食甘

一雙羅帕未分珍，林下先嘗愧逐臣。  
露葉霜枝翦寒碧，金槃玉指破芳辛。  
清泉漱漱先流齒，香霧霏霏欲喫人。

坐客殷勤為收子千奴一掬奈吾貧

唐蕭嵩傳荊州進黃甘帝以紫粉包賜之又柳氏舊聞云以素羅包其二賜嵩薛逢謝西川相公賜甘子詩滿合新甘破鼻香相公恩重賜先嘗千奴用李衡千頭木奴事詳見上卷東坡詩注

大寒步至東坡贈巢三

巢三名谷字元修晉山人嘗舉進士京師東坡

謫黃州谷走江淮因與之遊及二蘇用於朝谷未嘗一見逮謫嶺海慨然自睂山徒步訪之至梅州遺文定書曰我萬里步行見公不自意全今至梅矣文定驚喜曰此非今世人古之人也既見相泣時谷年七十三將復見文忠於海南文定止之不可至新會蠻隸竊其橐裝獲於新州谷從之病死於新

春雨如暗塵春風吹倒人東坡數間屋巢子誰與鄰空  
牀斂敗絮破竈鬱生薪相對不言寒哀哉知我貧我有  
一瓢一作尊酒獨飲良不仁未能賴我頰聊復濡子唇故  
人千鐘祿馭吏醉吐茵那知我與子坐作寒蠶呻努力  
莫怨天我爾皆天民行看花柳動共享無邊春

南史陶潛傳敗絮自擁何慙兒子杜荀鶴詩  
旋斫生柴帶葉燒吐茵用漢丙吉事注再見

元脩菜

并引

菜之美者有吾鄉之巢故人巢元脩嗜之余亦嗜

之元脩云使孔北海見當復云吾家菜耶因謂之  
元脩菜余去鄉十有五年思而不可得元脩適自  
蜀來見余於黃乃作是詩使歸致其子而種之東

坡之下云

世說楊脩九歲甚聰慧孔君平詣其父  
父不在兒為設果孔指楊梅以戲兒曰

此是君家果應聲答曰  
未聞孔雀是君家禽

彼美君家菜鋪田錄茸茸豆莢圓且小槐牙細而豐種  
之秋雨餘擢秀繁霜中欲花而未萼一一如青蟲是時  
青葙女採擷何怱怱烝之復湘之香色蔚其饒點酒下

鹽豉縷橙毛薑蔥那知雞與豚但恐放箸空春盡苗葉  
老耕翻煙雨叢潤隨甘澤化暖作青泥融始終不我負  
力與糞壤同我老忘家舍楚音變兒童此物獨嫵媚終  
年繫余胃君歸致其子囊盛勿函封張騫移苜蓿適用  
如葵菰馬援載薏苡羅生等蒿蓬懸知東坡下壻鹵化  
千鍾長使齊安民指此說兩翁

詩小雅有饁簋飧有捄棘七晉陸機傳千里萼羹未下  
鹽豉再見韓退之詩芼以椒與橙杜子美姜少府設膾  
歌放箸未覺金盤空王右軍來禽青李帖子皆囊盛為  
佳函封多不生再見漢張騫傳木宛國馬耆苜蓿騫始

為武帝言之其後漢使來歸種之  
離宮館旁極望焉蕙故注已見

二月三日點燈會客

江上東風浪接天苦寒無賴破春妍  
試開雲夢羔兒酒快瀉錢塘藥玉船  
蠶市光陰非故國馬行燈火記當年  
冷煙濕雪梅花在留得新春作上元

王注羔兒酒即今之羊羔酒藥玉船蓋以藥煮石而似  
玉者可作酒杯先生又有獨酌試藥玉船詩成都有蠶  
市注見首卷馬行在汴京舊城之  
東北隅蓋鬻馬之區百賈所會也

上巳日與二三子攜酒出游隨所見輒作數句

明日集之為詩故詞無倫次

先生志林記此日出游云黃州定慧

院東小山上海棠一株特繁茂每歲盛開時必為置酒已五醉其下矣今年復與參寥及二子訪焉則園已易主雖市井人然以余故稍加培治山上多老枳木花白而圓香色皆不凡以余故亦得不伐既飲復憩於尚氏之第尚所居竹林花木皆可喜醉臥閣上稍醒聞坐客崔成者彈雷琴作悲風曉角錚錚然意謂非人間也晚乃步出城東入何氏韓氏竹園遂置酒竹陰下興盡乃徑歸元豐七年三月初二日也

薄雲霏霏不成雨杖藜曉入千花塢  
柯丘海棠吾有詩獨笑深林誰敢侮  
三杯卯酒人徑醉一枕春睡日亭午



竹間老人不讀書留我閉門誰教汝出簷聚枳十圍大  
寫真素壁千蛟舞東坡作塘今幾尺攜酒一勞農工苦  
卻尋流水出東門壞垣古塹花無主臥開桃李為誰妍  
對立鵲鵲相媚嫵開樽藉草勸行路不惜春衫汙泥土  
褰裳共過春草亭扣門卻入韓家園轆轤繩斷井深碧  
鞦韆索挂人何所映簾空復小桃枝乞漿不見磨門女  
南山古臺臨斷岸雪陣翻空迷仰俯故人餽我玉葉羹  
火冷煙消誰為煮崎嶇東縕下荒徑姪姪隔花聞好語

更隨落景盡餘樽  
卻旁孤城得僧宇  
主人勸我洗足眠  
倒牀不復聞鐘鼓  
明朝門外泥一尺  
始悟三更雨如許  
平生所向無一遂  
茲游何事天不阻  
固知我友不終窮  
豈弟君子神所予

黃州東坡圖柯山四望直南高丘故亦名柯丘東南隅  
海棠一株甚茂又柯丘南尚氏家有叢枳甚大公嘗自  
為圖之晉書王徽之傳吳中一士大夫家有竹欲觀  
之便出坐輿造竹下諷嘯良久主人灑掃請坐徽之不  
顧將出主人乃閉門徽之便以此賞之盡歡而去又互  
見前晉阮脩傳意有所思率爾褰裳不避晨夕小桃用  
本事詩所載崔護事已見傳奇裴航經藍橋驛因渴乞  
漿于茅舍老嫗嫗曰雲英擎一甌漿來郎君要飲俄於

葦箔下出雙玉手捧瓷甌飲之互見十四卷次韻舒敬  
授詩注漢蒯通傳束緼請火於亡肉家歐陽永叔莫登  
樓詩姬姁扶欄車兩頭髮髦垂鬟嬌未羞詩大雅豈弟  
君子神所勞矣韓退之薦士詩微詩公勿誚豈弟神所  
勞

### 日日出東門

日日出東門步尋東城游城門抱關卒笑我此何求我  
亦無所求駕言寫我憂意適忽忘返路窮乃歸休懸知  
百歲後父老說故侯古來賢達人此路誰不由百年寓  
華屋千載歸山丘何事羊公子不肯過西州

詩國風駕言出游以寫我憂史記蕭何世家召平者故秦東陵侯晉羊曇謝安甥也安薨後行不由西州路詳見七卷遊東西巖詩注

南堂五首

齊安拾遺夏渙口之側本水驛有亭曰臨臯郡人以驛之高波上築南堂

為先生  
游息

江上西山半隱堤此邦臺館一時西南堂獨有西南向  
臥看千帆落淺谿

暮年眼力嗟猶在多病顛毛卻未華故作明牕書小字  
更開幽室養丹砂

他時夜雨困移牀坐厭愁聲點客腸一聽南堂新瓦響  
似聞東塢小荷香

山家為割千房蜜稚子新畦五畝蔬更有南堂堪著客  
不憂門外故人車

杜子美秋野詩風落收松子天寒割  
蜜房孟東野新居詩獨治五畝蔬

掃地燒香閉閣眠簾紋如一作似水帳如煙客來夢覺知

何處挂起西牕浪接天

李商隱詩水紋簾滑鋪牙牀李太白詩碧紗如煙隔牕  
語尉遲偓中朝故事路巖籍沒有蚊幬一項輕蜜如煙

人疑其  
蛟綃也

次韻子由種杉竹

吏散庭空雀噪簷  
閉門獨宿夜厭厭  
似聞梨棗同時種  
應與杉篁刻日添  
糟麴有神熏不醉  
雪霜誇健巧相沾  
先生坐待清陰滿  
空使人人歎滯淹

詩小雅厭厭  
夜飲注安也

孔毅父妻挽辭

結褵記初歡  
同穴期晚歲  
擇夫得溫嶠  
生子勝王濟  
高

風相賓友古義仍兄弟從君吏隱中窮達初不計云何  
抱沈疾俯仰便一世幽陰淒房櫳芳澤在中袂百年縱  
得滿此路行亦逝那將有限身長瀉無益涕君文照今  
古不比山石脆當觀千字誄寧用百金瘞

毛詩東山四章樂男女之得及時也云親結其禰九十  
其儀毛傳曰禰婦人之褱褱香褱也又大車刺周大夫  
禮義陵遲男女淫奔云穀則異室死則同穴世說溫嶠  
從姑有一女屬嶠覓婿嶠報姑已得之門地婿身盡不  
減嶠因下玉鏡臺一枚既交禮女以手披紗扇撫掌大  
笑曰我固疑是老奴晉列女傳王渾妻鍾琰生子濟詳  
見八卷賀陳述古弟章生子詩注左傳僖公三十二年  
白季使過冀見冀缺耨其妻饁之敬相待如賓後漢龐

公傳夫妻相與敬如賓客古樂府焦仲卿妻詩結髮同  
枕席黃泉共為友毛詩女曰雞鳴陳古義以刺今不說  
德而好色也又宴爾新婚如兄如弟漢班婕妤賦房櫳  
虛兮風泠泠楚詞大招粉白黛黑施芳澤鄭玄周禮注  
誄謂積累生時德行漢朱建傳母死辟  
陽侯奉百金祝注祝贈終者之衣被

# 次韻孔毅父久旱已而甚雨三首

先生為楊道士書一帖云

僕謫居黃岡綿竹武都山道士楊世昌子京  
自廬山來過余□□乃去其人善畫山水  
能鼓琴曉星厯骨色及作軌革卦影通知黃  
白藥術可謂藝矣明日當舍余去為之悵然  
浮圖不三宿木下真有以也元豐六年五月  
八日東坡居士書又一帖云十月十五日夜  
與楊道士泛舟赤壁飲醉夜半有一鶴自江  
南來翅如車輪嘎然長鳴掠余舟而西不知



其為何祥也聊復記云按次毅父韻第三首  
載西州楊道士凡數聯因此帖知為世昌詩  
中又言善吹洞簫其自廬山從公蓋壬戌之  
夏前赤壁賦云客有吹洞簫者殆是楊也先  
生先嘗為賦蜜酒歌後赤壁賦云適有孤鶴  
橫江東來觀此帖蓋非寓言夢一道士者豈  
即世昌姑托以夢耶先生道大才高不容於  
時憂患半生如陳季常巢元修張中吳子野  
輩獨相從流離困厄之中其姓名遂不沒於  
千載今世昌藉此復有傳於後世夫豈偶然  
二帖書在蜀牋筆畫  
甚精宿嘗以入石云

饑人忽夢飯甌溢夢中一飽百憂失只知夢飽本來空  
未悟真饑定何物我生無田食破硯爾來硯枯磨不出

去年太歲空在酉傍舍壺漿不容乞今年旱勢復如此  
晚歲何以黔吾突青天蕩蕩呼不聞況欲稽首號泥佛  
甕中蜥蜴尤可笑跂跂脈脈何等秩陰陽有時雨有數  
民是天民天自卹我雖窮苦不如人要亦自是民之一  
形容雖是喪家狗未肯弭耳爭投骨倒冠落幘謝朋友  
獨與蚊雷共主華故人嗔我不開門君視我門誰肯屈  
可憐明月如潑水夜半清光翻我室風從南來非雨候  
且為疲人洗蒸鬱褰裳一和快哉謠未暇饑寒念明日

白樂天詩渴人多夢飲饑人多夢食唐杜牧詩夢書皎  
皎白駒字俄而飯甑裂牧曰不祥也乃自為墓志馬總  
意林袁雅正書太歲在酉乞漿得酒太歲在己販妻鬻  
子則知災祥有自然之理史通略及朝野僉載竝云後  
漢和熹鄧皇后紀嘗夢捫天蕩蕩正青張奐傳凡人之  
情冤則呼天窮則扣心今呼天不聞扣心無益誠自傷  
痛蜥蜴詳見十二卷蠍虎詩注史記孔子世家鄭人謂  
孔子纍纍若喪家之狗再見戰國策應侯謂秦王曰王  
見大王之狗卧者卧起者起行者行止者止毋相與鬬  
者投之一骨輕起相牙何則有爭意也漢中山靖王傳  
衆响漂山聚蚊成雷左傳襄十年王叔之宰曰萆門圭  
竇之人杜預注萆門柴門圭竇小户穿壁為户上銳下  
方狀如圭也快哉用  
宋玉風賦語注已見

去年東坡拾瓦礫自種黃桑三百尺今年刈草蓋雪堂

日炙風吹面如墨平生懶惰今始悔老大勤農天所直

沛然例賜三尺雨造化無心悅難測四方上下同一雲

甘霖不為龍所隔

公自注俗有分龍日

蓬蒿下濕迎曉來燈火新

涼催夜織老夫作罷得甘寢臥聽牆東人響屐奔流未

已坑谷平折葦枯荷恣漂溺腐儒麤糲支百年力耕不

受衆目憐破陂漏水不耐旱人力未至求天全會當作

塘徑千步橫斷西北遮山泉四鄰相率助舉杵人人知

我囊無錢明年共看決渠雨饑飽在我寧關天誰能伴

我田間飲醉倒惟有支頭瓢

詩小雅上天同雲杜子美詩四海八荒同一雲又詩百年麤糲腐儒食班孟堅西都賦決渠降雨荷鍤成雲漢李廣傳嘗夜從一騎出從人田間飲韓退之詩暫拳一手支頭臥

天公號令不再出十日愁霖併為一君家有田水冒田  
我家無田憂入室不如西州楊道士萬里隨身惟兩膝  
沿流不惡汴亦佳一葉扁舟任飄突山芎麥麴都不用  
泥行露宿終無疾夜來饑腸如轉雷旅愁非酒不可開  
楊生自言識音律洞簫入手清且哀不須更待秋井塌

見人白骨方銜杯

揚子法言鼓舞萬物者其雷風乎鼓舞萬民者其號令乎雷不一風不再後漢蔡邕傳風者天之號令也山芎麥麴用左傳申叔展語詳見上卷和王翬詩注後漢趙壹傳柴車草屏露宿其傍庾信愁賦細酌榴花一兩杯蕩彼愁門終不開杜子美醉歌忽憶雨時秋井塌古人白骨生青苔如何不飲令心哀

初秋寄子由

百川日夜逝物我相隨去惟有宿昔心依然守故處憶在懷遠驛閉門秋暑中藜羹對書史揮汗與子同西風忽淒厲落葉穿戶牖子起尋袂衣感歎執我手朱顏不

可恃此語君莫疑別離恐不免功名定難期當時已悽  
斷況此兩衰老失塗既難追學道恨不蚤買田秋已議  
築室春當成雪堂風雨夜已作對牀聲

懷遠驛在汴京麗景門按東坡嘉祐六年與子由同奉  
制策寓懷遠驛笠澤叢書陸龜蒙復友生論文書云讀  
古聖人書每涵泳義味獨坐日昃案  
上一杯藜羹如五鼎太牢饋於左右

### 和黃魯直食筍

飽食有殘肉饑食無餘菜紛然生喜怒似被狙公賣爾  
來誰獨覺凜凜白下宰

公自注太和古白下也  
時魯直知吉州太和縣

一飯在

家僧至樂甘不壞多生味蠹簡食筍乃餘債蕭然映樽  
俎未肯雜菰芥君看霜雪姿童稚已耿介胡為遭暴橫  
三嗅不忍噉朝來忽解箨勢迫風雷噫尚可餉三閭飯  
筒纏五采

莊子齊物論狙公賦茅曰朝三而暮四衆狙皆怒曰然  
則朝四而暮三衆狙皆悅名實未虧而喜怒為用亦因  
是也再見穆天子傳暴蠹書于羽陵注云暴書中蠹蟲  
韓退之雜詩豈殊蠹書魚生死文字間續齊諧記屈原  
以五月五日投汨羅而死楚人哀之是日以竹筒貯米  
祭之建武元年長沙人見人自稱三閭大夫曰常苦蛟  
龍所竊願以五色絲  
纏之則蛟龍所畏也



聞子由為郡僚所据恐當去官

少學不為身宿志固有在雖然敢自必用舍置度外天  
初若相我發迹造宏大豈敢負所付捐軀欲投會寧知  
事大繆舉步得狼狽我已無可言墮甌難追悔子雖僅  
自免雞肋安足賴低回畏罪罟黽勉敢言退若人疑或  
使為子得微罪時哉歸去來共抱東坡耒

柳子厚冉谿詩少時陳力希公侯許國不復為身謀後  
漢隗囂傳帝曰且當置此兩子於度外詩大雅而式弘  
大莊子廣而造大也孔叢子吾於狼狽見聖人之志商  
湯雖俎猥亦狼之類前足絕短每行必駕兩狼失狼則

不能行故世言事垂者謂之狼狽後漢張步傳負負無  
可言者墮甌後漢孟敏事注已見後漢楊修傳曹操欲  
討劉備而不得進欲守之又難為功於是出教曰雞肋  
外曹莫能曉修曰雞肋食之則無所得棄之則如可惜  
公歸計決矣乃令外曰稍嚴操於是回師晉劉伶嘗因  
醉忤客客奮前欲歐之伶徐曰雞肋不足以安尊拳其  
人笑而止詩小雅豈不懷歸畏  
此罪罟又龜勉從事不敢告勞

次韻王鞏南遷初歸二首

問君謫南賓野葛食幾尺逢人瘴髮黃入市胡眼碧三  
年不易過坐睨倚天壁歸來貌如故妙語仍破鏞那能  
廢詩酒亦未妨禪寂願為尚書郎還賜上方舄

博物志魏太祖習啖野葛至一尺北夢瑣言嶺南黃  
茅瘴患者髮落白樂天詩大江寒見底巨山青倚天

江家舊池臺修竹圍一尺歸來萬事非惟見秦淮碧平  
生痛飲處遺墨鴉栖壁西來故父客金印雜鳴鏑三槐  
老更茂花繁春寂寂中微未可料家廟藏赤烏

劉禹錫江總宅詩池臺竹樹五畝餘至今人道江家宅  
又詩青松鬱成塢修竹盈尺圍山謙之丹陽記始皇鑿  
金陵斷方山為瀆令淮水貫城中入大江謂之秦淮江  
總歸金陵詩歸來惟見秦淮碧漢吳王渚傳周亞夫問  
故父絳侯客史記張耳傳外黃女亡其夫去抵父客漢  
百官表相國丞相金印紫綬晉周顗傳殺諸賊奴取金  
印如斗大繫肘鳴鏑字出漢匈奴傳注已見曹子建樂  
府攬弓捷鳴鏑周禮三槐三公位焉按東坡三槐堂記

云故兵部侍郎晉國王公嘗手植三槐於庭曰吾子孫  
必有為三公者已而其子魏國文正公相真宗其子懿  
敏公事仁宗鞏文正孫也唐禮樂志諸臣之享其親  
廟室服器之數視其品詩大雅王錫韓侯玄衮赤舄

孔毅父以詩戒飲酒問買田且乞墨竹次其韻  
酒中真復有何好孟生雖賢未聞道醉時萬慮一掃空  
醒後紛紛如宿草十年揩洗見真妄石女無兒焦穀槁  
此身何異貯酒瓶滿輒予人空自倒武昌痛飲豈吾意  
性不違人遭客惱君家長松十畝陰借我一菴聊洗心  
我田方寸耕不盡何用百頃糜千金枕書熟睡呼不起

好學憐君工雜擬且將墨竹換新詩潤色何須待東里  
孟生孟嘉也注屢見韓退之詩數杯澆腸雖暫醉皎皎  
萬慮醒還新維摩經文殊師利問維摩詰言菩薩云何  
觀於衆生維摩詰言如焦穀牙如石女兒嵇康幽憤詩  
性不傷物頻致怨憎列子方寸之地虛矣監戒錄王梵  
夫詩云但存方寸  
地留與子孫耕

### 任師中挽辭

任師中名伋己見前注師中為新  
息令民愛之買田而居後通判黃

州知瀘州沒於遂州其在齊安常游於定惠  
院既去郡人名其亭曰任公東坡遷齊安人  
知其與師中善也復為師中菴曰師  
中必來訪予將館於是賴濱為作記

大任剛烈世無有疾惡如風朱伯厚小任溫毅老更文

聰明慈愛小馮君兩任才行不須說疇昔並友吾先人  
相看半作晨星沒可憐太白與殘月大任先去冢未乾  
小任相繼呼不還強寄一樽生死別樽中有淚酒應酸  
貴賤賢愚同盡耳君家不盡緣賢子人間得喪了無憑  
只有天公終可倚

後漢朱震字伯厚詳見十七卷林子中以詩寄文與可  
注大小馮君見十二卷和孔密州詩注揚子法言日昃  
不飲酒酒必酸白樂天詩賢愚  
貴賤同歸盡北邙冢墓高差我

子由作二頌頌石臺長老問公手寫蓮經字如

黑蟻且誦萬遍脅不至席二十餘年予亦作二

首

眼前擾擾黑虬蟬口角霏霏白唾珠要識吾師無礙處  
試將燒卻看瞋無

後漢趙壹傳歔唾自成珠莊子秋水篇子  
不見夫唾者乎噴則大者如珠小者如霧

眼睛心地兩虛圓脅不沾牀二十年誰信吾師非不睡  
睡虵已死得安眠

傳燈錄第十祖初侍伏馱尊者未嘗睡眠謂其脅不至  
席號脅尊者遺教經煩惱毒蛇睡在汝心譬如黑虬在

汝室睡當以持戒之鈎早併  
除之睡蛇既出乃可安眠

鄧忠臣母周挽辭

鄧忠臣字春思  
潭州湘陰人

微生真草木無處謝天力  
慈顏如春風不見桃李實  
古今抱此恨有志俯仰失  
公子豈先知戰戰常惜日  
吾君日月照委曲到肝鬲  
哀哉人子心吾何愛一邑  
家庭拜前後粲然發笑色  
豈比黃壤下焚瘞千金璧  
若人道德人視此亦戲劇  
聊償曾閔意遽與仙佛寂  
孤纍臥江渚永望墳墓隔  
作詩相楚挽感動淚再滴



尚書洛誥王命周公後作冊逸誥孔氏傳云伯禽封命之書皆同在烝祭之日周公拜前魯公拜後公羊傳封魯公以為周公也周公拜乎前魯公拜乎後漢王莽傳子父俱延拜而受之注謂周公拜前魯公拜後出尚書大傳揚雄反騷欽弔楚之湘纍注不以罪死曰纍按孤纍公自謂也譙周法訓曰挽歌者高帝召田橫至尸鄉自殺從者悲歌以寄其情後續之為薤露蒿里以送喪至李延年分為二等薤露送王公貴人蒿里送士大夫庶人使挽者歌之因呼為挽歌謝希逸宋貴妃誄鏘楚挽於槐風注楚者酸楚也杜子美詩臨岐別數子握手淚再滴

### 徐君猷挽辭

君猷名大受終於黃州事見十九卷戲君猷不飲酒詩註

一舸南游遂不歸清江赤壁照人悲請看行路無從涕

盡是當年不忍欺  
雪後獨來栽柳處  
竹間行復採茶時  
山成散盡樽前客  
舊恨新愁只自知

荊州記蒲圻縣沿江一百里南岸名赤壁周瑜黃蓋乘大艦大破魏武於烏林赤壁東西一百六十里禮記孔子之衛遇舊館人之喪而入哭之遇一哀而出涕子貢曰無乃已重乎子曰予惡夫涕之無從也史記滑稽傳子產治鄭民不能欺子賤治單父民不忍欺西門豹治鄴民不敢欺李後主秋夕詩往愁新恨有誰知

和蔡景繁海州石室

蔡景繁名承禧事見二十卷蔡景繁官舍小閣詩

注東坡在黃有答景繁帖云胸山臨海石室信如所諭前某嘗攜家一游時有胡琴婢就室中作濩索涼州凜然有冰車鐵馬之聲婢去久矣因公復起一念若果游此必有新篇

當破戒奉和也又云海上奇觀恨不與公同  
游大篇或可追賦景繁往游既賦詩坡為屬  
和前所述皆指石曼卿後車胡琴云云皆帖  
中語意又前年開閣云云即所謂婢去久矣  
因公復起一念用此帖為証而詩乃粲然因  
公復起一念實用陳鴻長恨傳楊妃語也

芙蓉仙人舊游處

公自注石曼卿也

蒼藤翠壁初無路戲將桃

核裏黃泥石間散擲如風雨坐令空山作錦繡倚天照

海花無數花間石室可容車流蘇寶蓋窺靈宇何年霹

靂起神物玉棺飛出王喬墓當時醉臥動千日至今石

縫餘糟醕山人一去五十年花老室空誰作主手植數

松今偃蓋蒼髯白甲低瓊戶我來取酒酌先生後車仍  
載胡琴女一聲冰鐵散巖谷海為瀾翻松為舞爾來心  
賞復何人持節中郎醉無伍獨臨斷岸呼出日紅波碧  
巘相吞吐徑尋我語覓餘聲拄杖彭鏗叩銅鼓長篇小  
字遠相寄一唱三歎神悽楚江風海雨入牙頰似聽石  
室胡琴語我今老病不出門海山巖洞知何許門外桃  
花自開落牀頭酒甕生塵土前年開閣放柳枝今年洗  
心參佛祖夢中舊事時一笑坐覺俯仰成今古願君不

用刻此詩東海桑田真旦暮

歐陽公詩話石曼卿卒後故人有見之者云恍惚如夢  
中言我今為仙也所主芙蓉城又石曼卿通判海州以  
山嶺高峻人路不通了無花卉點綴映照使人以泥裹  
桃核為彈拋擲於山嶺之上一二歲間花發滿山爛如  
錦繡張平子東京賦樹翠宇之高蓋飛流蘇之騷殺庾  
信賦翡翠珠被流蘇羽帳後漢王喬傳為葉令天下玉  
棺於堂前吏人推排終不搖動喬曰天帝獨召我耶乃  
沐浴寢其中蓋便立覆宿昔葬於城東土自成墳博物  
志昔人有玄石者從中山酒家飲與之千日酒而忘語  
其節歸數日尚醉家人以為死遂葬之酒家計其日往  
告之發冢乃醒玉策記千歲松樹四邊披起上杪不長  
望而視之有如偃蓋楚詞惜誓章戴玉女於後車白樂  
天五弦彈歌鐵擊珊瑚一兩曲冰瀉玉盤千萬聲後漢  
蔡邕為左中郎將蔡景繁時漕淮南故云持節中郎馬

援傳得駱越銅鼓韓退之詩杖撞玉板聲彭觥開閤用  
王敦事詳見十七卷李公擇過高郵詩注白樂天不能  
忘情吟序樂天既老又病風乃錄家事會經費去長物  
妓有樊素者年二十餘綽綽有歌舞態善唱楊枝人多  
以曲名名之由是名聞洛下將放之馬有駱者駟壯駿  
穩乘之亦有年將鬻之圉人牽馬出門馬驤首反顧一  
鳴似知去而旋戀者素慘然立且拜婉孌有辭辭畢泣  
下予愍然不能對且命迴勒反袂飲素酒自飲一杯快  
吟數十聲因自哂題其篇曰不能忘情吟駱馬注已見  
神仙傳麻姑謂王方平曰自接待以來見東海三為桑  
田向到蓬萊水乃淺於往昔會時略半也豈將復為  
陵陸乎方平笑曰聖人言海中行復揚塵也再見

和秦太虛梅花

西湖處士骨應槁只有此詩君壓倒東坡先生心已灰

為愛君詩被花惱多情立馬待黃昏殘雪消遲月出蚤  
江頭千樹春欲闌竹外一枝斜更好孤山山下醉眠處  
點綴裀腰紛不掃萬里春隨逐客來十年花送佳人老  
去年花開我已病今年對花還草草不知風雨卷春歸  
收拾餘香還畀昊

歐陽公歸田錄處士林逋居於杭州西湖之孤山善為詩如梅花詩疎影橫斜水清淺暗香浮動月黃昏評詩者謂前世詠梅花者多矣未有此句也自逋之卒湖山寂寥未有繼者撫言寶歷中楊嗣復宴諸生於新昌里第元白亦預皆賦詩于席惟楊汝士後成而最佳元白歎伏汝士醉歸語子弟曰我今日壓倒元白杜子美絕

句江上被花惱不徹無處告訴只顛狂白樂天杭州春  
望詩誰開湖寺西南路草綠裙腰一道斜注云孤山在  
湖洲中草綠時望如裙腰詩  
小雅勞人草草又投畀有昊

再和潛師

化工未議蘇羣槁先向寒梅一傾倒江南無雪春瘴生  
為散冰花除熱惱風清月落無人見洗粧自趁霜鐘蚤  
惟有飛來雙白鷺玉羽瓊枝鬪清好吳山道人心似水  
眼淨塵空無可掃故將妙語寄多情橫機欲試東坡老  
東坡習氣除未盡時復長篇書小草且撼長條飡落英



忍饑未擬窮呼昊

山海經豐山上有丸耳鐘霜降則鳴柳子厚龍城錄隋  
開皇中趙師雄遷羅浮一日憩於林間見一女淡粧出  
迎相與叩酒家門而飲頃之醉寢師雄亦懵然久之東  
方已白起視乃在大梅樹下有翠羽啾唧須臾月落  
參橫但惆悵而已蜀注云宋武帝宮人早朝聞景陽樓  
鐘聲即起粧洗出南史及南齊書李賀詩今朝畫眉早  
不待景陽鐘漢書鄭崇傳臣門如市臣心如水利子是  
殆見吾衡氣機也衡通橫華嚴經除一切煩惱習氣爾  
雅夏為  
昊天

橄欖

紛紛青子落紅鹽正味森森苦且嚴待得微甘回齒頰

已輸崖蜜十分甜

本草崖蜜又名石蜜別有土蜜木蜜歸叟詩話范景仁云橄欖木高大難採以鹽擦木身則實自落顧禧注云記得小說南人誇橄欖於河東人云此有回味東人云不若我棗比至你回味我已咂久矣棗一作梅按惠洪冷齋夜話云崖蜜事見鬼谷子謂櫻桃也今之鬼谷子實無此說然略記陸士衡有賦云朱藍崖蜜士衡此語當有  
所自

海棠

東風渺渺

一作  
一娘

泛崇光香霧空濛

一作  
霏霏

月轉廊只恐夜

深花睡去故

一作  
更

燒高燭照紅粧

宋玉招魂光風轉蕙泛宗蘭些花  
睡暗使楊妃卯醉未醒事注已見

### 東坡

雨洗東坡月色清市人行盡野人行莫嫌犖确坡頭路  
自愛鏗然曳杖聲

生日王郎以詩見慶次其韻并寄茶二十一片  
折揚新曲萬人趨獨和先生于爲于但信櫝藏終自售  
豈知盪脫本無樨竭從冰叟來游宦肯伴臞仙亦號儒  
棠棣竝爲天下士芙蓉曾到海邊郭不嫌霧谷靈松柏

終恐虹梁荷棟桴高論無窮如鋸屑小詩有味似連珠  
感君生日遙稱壽祝我餘年老不枯未辦報君青玉案  
建谿新餅截雲腴

莊子天地篇大聲不入於里耳折揚皇芻則嗑然而笑  
唐元德秀傳玄宗補五鳳樓下命三百里縣令刺史皆  
以聲樂集河內太守輦優伎數百環譎光麗德秀時為  
魯山令惟樂工數十人聯袂歌于薦于薦于者德秀  
所為歌也帝聞異之歎曰賢人之言哉河內人其塗炭  
乎乃黜太守德秀益知名朝野僉戴武后時宮中謠曰  
杞推侍御史盍脫校書郎晉王沈傳仕郡文學鬱鬱不  
得志乃作釋時論曰東野丈人觀時以居隱耕汙腴之  
墟有冰氏子者出自涇寒之谷過而問塗漢司馬相如  
傳列仙之儒居山澤間形容甚臞毛詩常棣燕兄弟也

常棣之華鄂不韡韡凡今之人莫如兄弟史記魯仲連傳先生天下士也芙蓉胡微之芙蓉城傳為王迴子高作子高遇仙人周瑤英事見十四卷王郎字子立子高其兄也班固西都賦因瓌材而究奇抗應龍之虹梁列焚檠以布翼荷棟桴而高驤晉胡毋輔之傳字彥國王澄嘗與人書曰彥國吐嘉言如鋸木屑霏霏不絕文選演連珠注傳玄叙連珠曰連珠者興於漢章之世班固賈逵傳毅三子受詔作之其大體必假喻以達其旨使覽者微悟合於古詩諷興之義欲歷歷如貫珠易見而可悅故謂之連珠張衡四愁詩美人贈我錦繡段何以報之青

玉案

## 別黃州

病瘡老馬不任鞬猶向君王得敝幃

一作帷

桑下豈無三

宿戀樽前聊與一身歸長腰尚載撐腸米闊領先裁蓋  
瘦衣投老江湖終不失來時莫遣故人非

漢刑法志以戰而御驛突注馬絡頭曰戰杜子美瘦馬  
行日暮不收烏啄瘡禮記敝帷不棄為埋馬也四十二  
章經浮屠桑下一宿日中一食慎勿再矣後漢襄楷傳  
浮屠不三宿桑下不欲久生恩愛精之至也郡邑志楚  
人長腰粳米縮項鰻魚言美味也韻語陽秋汝人多苦  
瘦故歐陽公汝瘦詩云偃婦垂甕盎嬌嬰食卵殼無由  
辨肩頸有類龜縮殼梅聖俞詩云女慚高  
掩襟男大闊裁領公作此詩時方移汝也

過江夜行武昌山上聞黃州鼓角

清風弄水月銜山幽人夜渡吳王峴黃州鼓角亦多情

送我南來不辭遠江南又聞出塞曲半雜江聲作悲健  
誰言萬方聲一緊鼉憤龍愁為余變我記江邊枯柳樹  
未死相逢真識面他年一葉泝江來還吹此曲相迎餞

吳王峴在武昌西川九曲亭下志林云孫仲謀泛江自  
樊口鑿山通道歸武昌今猶謂之吳王峴吳兢樂府古

題要解橫吹曲有鼓角舊說云蚩尤帥魑魅與黃帝戰  
帝始命吹角為龍鳴以禦之其後魏武北征烏丸越涉

沙漠軍士聞之悲思於是減為中鳴尤更悲矣唐樂令  
諸道行軍應給鼓角者三萬人已上角十四具鼓二十

四面二萬已上角八鼓十四萬人已上角六鼓十不滿  
萬人臨時量給互見十三卷古今樂錄橫吹胡樂張騫

入西域傳其法於長安李延年因之更造新聲後漢以  
給邊將萬人將軍得之有黃鵠隴頭出塞入塞等十曲

見班超傳注杜子美閣夜詩五更鼓角  
聲悲壯又詩萬方聲一繫吾道竟何之

自興國往筠宿石田驛南廿五里野人舍

谿上青山三百疊快馬輕衫來一抹倚山修竹有人家  
橫道清泉知我渴芒鞋竹杖自輕軟蒲薦松牀亦香滑  
夜深風露滿中庭惟有孤螢自開闔

將至筠先寄遲适遠三猶子

露宿風餐六百里明朝飲馬南江水未見豐盈犀角兒

先逢玉雪王郎子

公自注時道逢王郎於建昌方北行也

對牀欲作連夜



語念汝還須戴星起夜來夢見小於菟

公自注遠小名虎兒

猶是

髣髴垂兩耳憶過濟南春未動三子出迎殘雪裏我時  
移守古河東酒肉淋漓渾舍喜而今憔悴一羸馬逆旅  
擔夫相汝爾出城見我定驚嗟身健窮愁不須恥我為  
迺翁留十日掣電一歡何足恃惟當火急作新詩一醉  
兩翁勝酒美

露宿字出趙壹傳已見鮑明遠升天行風飡委松柏雲  
臥恣天行左傳宣十二年將飲馬于河而歸詩國風髣  
彼兩髴揚雄方言周  
晉秦隴間謂父曰翁

端午游真如遲适遠從子由在酒局

一與子由別却數七端午身隨綵絲繫心與昌歎苦今

年足馬來佳節日夜數兒童喜我至典衣具雞黍水餅

既懷鄉飯筒仍愍楚謂言必一醉快作西川語寧知是

官身糟麴困熏煮獨攜三子出古剎訪禪祖高談付梁

羅公自注梁羅遲适小名也詩律到阿虎歸來一調笑慰此長齟齬

周處風土記仲夏端午烹鶯角黍注云端始也謂五月五日風俗通五月五日以五綵絲繫臂者辟兵及鬼令人不病溫左傳僖三十年王使周公閱來聘饗有昌歎杜預曰菖蒲菹也按世俗端午以菖蒲泛酒飲之歲時

記及玉燭寶典諸書皆不載未詳所自宋玉  
九辯圓鑿而方枘兮吾固知齟齬而難入

別子由三首兼別遲

宿守都梁得東平康師孟  
元祐二年三月刻二蘇公

所與九帖於洛陽坡書別子由第二詩而題  
其後云元豐七年余自黃遷汝往別子由於  
筠作數詩留別此其一也其後雖不過洛而  
此意未忘因康君郎中歸洛書以贈之元祐  
元年三月  
十日軾書

知君念我欲別難我今此別非他日風裏楊花雖未定  
雨中荷葉終不濕三年磨我費百書一見何止得雙壁  
願君亦莫歎留滯六十小劫風雨疾

漢司馬遷傳天子始建漢家之封太史公留滯周南不  
得與從事發憤且卒法華經日月燈明佛說大乘經六  
十小劫不起于座

先君昔愛洛城居我今亦過嵩山麓水南卜宅

一作築吾

豈敢試向伊川買修竹又聞緱山好泉眼傍市穿林瀉

冰玉遙想

一作想見

茅軒

一作簷

照水開兩翁相對清如鵠

子由卜居賦序昔余先君以布衣宦學四方嘗過洛陽  
愛其山川慨然有卜居意而貧不能遂唐溫造隱居洛  
水之南烏重脣辟河陽幕韓愈詩曰水南山人又繼往  
車馬僕從塞閭里唐地里志河南府本洛州有川三十  
九其一曰伊川又河  
南緱氏有仙人洞

兩翁歸隱非難事，惟要傳家好兒子。  
憶昔汝翁如汝長，筆頭一落三千字。  
世人聞此皆大笑，慎勿生兒兩翁似。  
不知樗櫟薦明堂，何似鹽車壓千里。

後漢鄭玄傳以書戒子益恩曰案之禮典便合傳家晉宣穆張后傳帝曰老物不足惜慮困我好兒


初別子由至奉新作

雙鵲先我來，飛上東軒背。  
書隨好夢到人與佳節，會一  
歎難把玩，回首了無在。  
卻渡來時谿，斷橋號淺瀨。  
茫茫暑天闊，藹藹孤城背。  
青山眊眊中，落日淒涼外。  
盛衰豈

吾意離合非所礙何以解我憂  
羸了一事大



施註蘇詩卷二十



總校官庶吉士 臣 張能照

校對官編修 臣 楊壽楠

膳錄監生 臣 王 錡

膳錄監生 臣 喻泰階